

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE**

Broj: 07-11-5-9449/24

Bosanska Krupa, 29.01.2025.godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku – Nabavka konsultantskih usluga-Izrada studije valorizacije za zaštitu pejzaža rijeke Une, na prijedlog Komisije za provođenje postupka javne nabavke, Gradonačelnik, kao rukovodilac organa uprave Grada Bosanska Krupa, donosi:

**ODLUKA
o izboru najpovoljnijeg ponuđača**

1. Prihvata se ponuda „ENOVA“ d.o.o. Sarajevo-predstavnik grupe ponuđača ,Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija), u predmetu nabavke radova: **Nabavka konsultantskih usluga-Izrada studije valorizacije za zaštitu pejzaža rijeke Une**, sa cijenom u ukupnom iznosu **55.500,00 KM bez PDV-a**, odnosno **64.935,00 KM sa PDV-om**.
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke.
3. Po konačnosti ove odluke sa izabranim ponuđačem potpisat će se ugovor o nabavci konsultantskih usluga-Izrada studije valorizacije za zaštitu pejzaža rijeke Une.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 07-11-5-9449/24 od 13.12.2024. godine. Javna nabavka je provedena putem otvorenog postupka: Nabavka konsultantskih usluga-Izrada studije valorizacije za zaštitu pejzaža rijeke Une. Obavještenje o nabavci broj: 1272-1-2-156-3-149/24 od 13.12.2024. godine - objavljeno na portalu JN (TD preuzelo ukupno 21 ponuđača) i u „Službenom glasniku BiH“, broj: 88/24 od 20.12.2024. godine
Po objavljenom obavještenju rok za prijem ponuda je bio 7.1.2024. godine do 12:00 sati. Do označenog roka za prijem ponuda na protokol Ugovornog organa blagovremeno je pristiglo jedna (1) ponuda, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. Ponuđač „ENOVA“ d.o.o. Sarajevo-predstavnik grupe ponuđača ,Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija) zaprimljena pod brojem protokola: 07-11-5-9449-2/24 dana 7.1.2025. godina u 10:24 sati.

Komisija za provođenje postupka javne nabavke je u skladu sa tenderskom dokumentacijom dana 7.1.2024. godine u 12:45 sati izvršila javno otvaranje ponuda:

1. Ponuđač „ENOVA“ d.o.o. Sarajevo-predstavnik grupe ponuđača ,Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija) „ENOVA“ d.o.o. Sarajevo), dostavljena ponuda (original i kopija) uredno zapakovana i bez vidnih oštećenja, ponudio je:

cijena ponude:	55.500,00 KM bez PDV,
PDV	9.435,00 KM
ukupna cijena ponude:	64.935,00 KM sa PDV- om,
Nema popusta	

Komisija konstatuje da je procijenjena vrijednost radova, sljedeća: **cijena bez PDV: 56.000,00 KM** odnosno **cijena sa PDV-om: 65.520,00 KM**

Komisija je pristupila provjeri formalno-pravnih uslova pristigle ponude, te je predložila Ugovornom organu da od ponuđača „ENOVA“ d.o.o. Sarajevo-predstavnik grupe ponuđača, u skladu sa članom 48. i 68. Zakona o javnim nabavkama, zatraži pojašnjenje odnosno dokaz o uspješnoj realizaciju Ugovora – Izrada studije valorizacije za zaštitu Čemerske planine i kanjona rijeke Misoča, shodno tački 13. Tenderske dokumentacije.

Tenderskom dokumentacijom tražen je spisak izvršenih ugovora pruženih u posljednje 3 godine. Na priloženom spisku je navedeno da je vrijeme i mjesto izvršenja ugovora 2020-2023. godina. Iz dostavljene potvrde nije vidljivo kada je realiziran Ugovor – Izrada studije valorizacije za zaštitu Čemerske planine i kanjona rijeke Misoča, BiH, Sarajevo, Općina Ilijaš nego je navedeno da je isti Ugovor potpisan u januaru 2020. godine.

Također, uvidom u tendersku dokumentaciju i dostavljene ponude za studij valorizacije (stručno obrazloženje za zaštitu područja toka rijeke Krušnice, Komisija konstatuje da je u navedenom tenderu, ponuđač „ENOVA“ d.o.o. Sarajevo, dostavio istu potvrdu s tim da je u spisku realiziranih ugovora naveo da je vrijeme realizacije bilo januar 2020. do januar 2021. godina.

S obzirom da se radi o istoj potvrdi, a navedenim različitim periodima realizacije na spisku izvršenih ugovora, neophodno je da ponuđač to obrazloži te da dostavi dokaz iz kojeg se može tačno utvrditi period realizacije ugovora – Izrada studije valorizacije za zaštitu Čemerske planine i kanjona rijeke Misoča.

Komisija konstatuje da je Ugovorni organ dana 14.1.2025. godine putem e-maila ponuđaču „ENOVA“ d.o.o. Sarajevo uputio zahtjev za pojašnjenje dostavljenog dokumenta u vezi dokaza o uspješnoj realizaciji Ugovora-Izrada studije valorizacije za zaštitu Čemerske planine i kanjona rijeke Misoča, shodno tački 13. Tenderske dokumentacije vezano za ponudu u predmetu javne nabavke Konsultantskih usluga - Izrada studije valorizacije za zaštitu pejzaža rijeke Une”

U navedenom pojašnjenju ugovorni organ nije postupio po konstatacijama komisije, koja je u zapisniku navela da se traži pojašnjenje i ranije dostavljenog spiska izvršenih ugovora jer su bili navedeni različiti periodi realizacije, tražili smo da ponuđač to obrazloži te da dostavi dokaz iz kojeg se može tačno utvrditi period realizacije ugovora – Izrada studije valorizacije za zaštitu Čemerske planine i kanjona rijeke Misoča.

Ugovorni organ je zahtjevom za pojašnjenje dostavljenog dokumenta od 14.01.2025. godine tražio od ponuđača da samo dostavi dokaz iz kog je vidljivo kad je realiziran ugovora – Izrada studije valorizacije za zaštitu Čemerske planine i kanjona rijeke Misoča.

Također se konstatuje da je ponuđač „ENOVA“ d.o.o. Sarajevo dana 22.1.2025. godine, dostavio putem pošte na protokol ugovornog organa Pojašnjenje dostavljenog dokumenta odnosno dokaza o uspješnoj realizaciji ugovora o izradi studije valorizacije za zaštitu Čemerske planine i kanjona rijeke Misoče broj 0070/24 od 16.1.2025.godine.

Komisija razmatra Pojašnjenje dostavljenog dokumenta te konstatuje da isto prihvata jer je ponuđač dostavljenim dokazima potvrdio uspješnu realizaciju Ugovora- „Izrada studije valorizacije za zaštitu Čemerske planine i kanjona rijeke Misoča i uspješnu implementaciju svih aktivnosti koje su se odvijale od 2020. do 2023.godine.

Komisija konstatuje da je jedina pristigla ponuda ponuđača „ENOVA“ d.o.o. Sarajevo-predstavnik grupe ponuđača, Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija) potpuna, ispravna u formalno-pravnom smislu (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze i ponudu izradio u skladu sa TD), kao i da računskih grešaka nije bilo, te da je cijena ponude u okviru procijenjene vrijednosti.

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predlaže Ugovornom organu da donese Odluku o izboru najpovoljnijeg ponuđača i to „ENOVA“ d.o.o. Sarajevo-predstavnik grupe ponuđača ,Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija) i zaključiti Ugovor s istim.

Također se konstatuje da je u ovom postupku predviđeno provođenje e-aukcije, ali se ista neće provoditi, jer je pristigla jedna prihvatljiva ponuda, a shodno članu 4. stav (2) Pravilnika o načinu korištenja e-aukcije.

S obzirom da je kriterij za dodjelu ugovora „najniža cijena ponude, “ da je ponuda „ENOVA“ d.o.o. Sarajevo-predstavnik grupe ponuđača ,Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija) za Nabavka konsultantskih usluga-Izrada studije valorizacije za zaštitu pejzaža rijeke Une, najniža ponuda, prihvatljiva i u okviru procijenjene vrijednosti predmetne nabavke, Ugovorni organ je odlučio kao u dispozitivu odluke.

Pouka o pravnom lijeku

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:
Dinka Mahmić



GRADONAČELNIK
Armin Halitović

Dostavljeno:

1. „ENOVA“ d.o.o. Sarajevo-predstavnik grupe ponuđača ,Centar za energiju ,okolinu i resurse-CENER21 (član konzorcija) i FEA-Inicijativa za šumarstvo i okoliš (član konzorcija) putem emaila,
2. U spis
3. a/a